



ДОМ НАРОДА
ПРЕДСТАВНИЧКИ ДОМ

Комисија за избор и праћење рада
Агенције за превенцију корупције и
координацију борбе против корупције

DOM NARODA
PREDSTAVNIČKI DOM/ZASTUPNIČKI DOM

Комисија за избор и праћење рада
Агенције за превенцију корупције и
координацију борбе против корупције

Повјеренство за избор и праћење рада
Агенције за превенцију корупције и
координацију борбе против корупције

Број: 05/8-50-14-485-14/17

Сарајево, 27.7.2017.

Z A P I S N I K

14. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 11.5.2017., od 13 do 13,40 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) sazvala je i njome predsjedavala predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Mirsad Isaković, Anes Ličina, Halid Genjac, Vojo Višekruna i Ivanka Marković.

Sjednici iz opravdanih razloga nisu prisustvovali: Borjana Krišto, Bariša Čolak i Darko Babalj.

Sjednici su prisustvovali i gosti, te službenici iz Sekretarijata Parlamentarne skupštine BiH (PSBiH):

- Hasim Šabotić, Dragan Slipac i Dragan Anđelić iz Agencije za prevenciju korupcije i koordinaciju borbe protiv korupcije,
- Niko Duvnjak, savjetnik zamjenice predsjedavajućeg Predstavničkog doma PSBiH,
- Zoran Brkić, Sektor za odnose s javnošću,
- Ljerka Bojić, rukovoditeljica Sektora za druga parlamentarna tijela PSBiH,
- Nataša Budiša-Radovanović, Misija OSCE-a,
- Aida Kovač, FENA i
- Snežana Samardžija, SRNA.

Kako nije bilo rasprave o prijedlogu dnevnog reda, konstatirano je da 14. sjednica Komisije ima sljedeći

DNEVNI RED

1. Usvajanje Zapisnika 13. sjednice Komisije;
2. Razmatranje Prijedloga izmjena i dopuna Zakona o Agenciji za prevenciju korupcije i koordinaciju borbe protiv korupcije (sačinilac: Agencija za prevenciju korupcije i koordinaciju borbe protiv korupcije);
3. Razmatranje Prijedloga izmjena i dopuna Zakona o zaštiti lica koja prijavljuju korupciju u institucijama Bosne i Hercegovine (sačinilac: Agencija za prevenciju korupcije i koordinaciju borbe protiv korupcije);
4. Tekuća pitanja.

Ad.1. Usvajanje Zapisnika 13. sjednice Komisije

O Prijedlogu zapisnika 13. sjednice nije bilo rasprave.

Komisija je jednoglasno usvojila Zapisnik 13. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije.

Na prijedlog predsjedavajuće, objedinjena je rasprava o tačkama 2. i 3. dnevnog reda.

Ad.2. Razmatranje Prijedloga izmjena i dopuna Zakona o Agenciji za prevenciju korupcije i koordinaciju borbe protiv korupcije (sačinilac: Agencija za prevenciju korupcije i koordinaciju borbe protiv korupcije) i

Ad.3. Razmatranje Prijedloga izmjena i dopuna Zakona o zaštiti lica koja prijavljuju korupciju u institucijama Bosne i Hercegovine (sačinilac: Agencija za prevenciju korupcije i koordinaciju borbe protiv korupcije)

Predsjedavajuća Komisije je u uvodnim napomenama kazala da članovi Komisije imaju pred sobom tekst - inicijativu Agencije za prevenciju korupcije i koordinaciju borbe protiv korupcije (u daljnjem tekstu: Agencije) za izmjenu i dopunu Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br.103/09 i 58/13) i Zakona o zaštiti lica koja prijavljuju korupciju u institucijama Bosne i Hercegovine („Službeni glasnik BiH“, broj 100/09).

Navela je da su, s obzirom na Poslovnik Komisije te odredbe poslovnika domova o tome ko su ovlašteni predlagači zakona, pred Komisijom dvije mogućnosti: jedna - da se formira interresorna radna grupa, što bi značajno usporilo rad, a druga - efikasnija, da poslanici i delegati, koji su članovi Komisije i koji su ovlašteni predlagači, budu i predlagači.

U vezi s ovim je napomenula da prenosi stavove poslanice Borjane Krišto i delegata Bariše Čolaka koji su odsutni sa sjednice, a isti su kao i njen: najefikasnije je da tekstove inicijalnog prijedloga i osnovnog zakona svako od članova Komisije pogleda, sačini i da svoje sugestije, prijedloge, koje će Komisija usaglasiti, potom dati i amandmane, a ovlašteni predlagači u Komisiji će ih poslati u proceduru.

Dodatno obrazloženje dali su direktor Agencije Hasim Šabotić i zamjenici direktora Dragan Slipac i Dragan Anđelić.

U raspravi su učestvovali: Aleksandra Pandurević, Halid Genjac, Mirsad Isaković i Anes Ličina.

Nakon rasprave, imajući u vidu sve navedeno kao i da je propisan zakonodavni postupak da se poslovníkom utvrđuju ovlašteni predlagači zakona i standardi za pisanje teksta prijedloga zakona, Komisija je jednoglasno usvojila sljedeći

ZAKLJUČAK

1. Zadužuje se sekretar Komisije da tekstove Agencije za prevenciju korupcije i koordinaciju borbe protiv korupcije za izmjenu i dopunu Zakona o Agenciji za prevenciju korupcije i koordinaciju borbe protiv korupcije i Zakona o zaštiti lica koja prijavljuju korupciju u institucijama Bosne i Hercegovine dostavi Zakonodavno-pravnom sektoru, kako bi dostavljene izmjene i dopune uvrstili kao izmjene i dopune u zakone te pripremili propisanu formu prijedloga izmjena i dopuna navedenih zakona.
2. Nakon što Zakonodavno-pravni sektor pripremi zakone u poslovníkom propisanoj formi i usklađene s Jedinštvénim pravilima za izradu pravnih propisa u institucijama Bosne i Hercegovine, bit će dostavljeni svim članovima Komisije, kako bi mogli dati sugestije zakonske prijedloge zakona, a nakon toga se i očitovati o izmjenama i dopunama Zakona o Agenciji za prevenciju korupcije i koordinaciju borbe protiv korupcije i izmjenama i dopunama Zakona o zaštiti lica koja prijavljuju korupciju u institucijama Bosne i Hercegovine, koji će posredstvom ovlaštenog predlagača biti upućeni u parlamentarnu proceduru.

Ad.4. Tekuća pitanja

U okviru ove tačke dnevnog reda nije bilo rasprave.

Sjednica je završena u 13,40 sati.

Sastavni dio ovog zapisnika je transkript i tonski snimak 14. sjednice Komisije.

Zapisnik sačinila
Ljerka Bojić

Predsjedavajuća Komisije
Aleksandra Pandurević

Dostavljeno:

- naslovu,
- a/a.